

AUGUSTISSIMO,
POTENTISSIMO,
INVICTISSIMO,
ROMANORUM
IMPERATORI
CAROLO
SEXTO,

Germaniæ , Hispaniarum , Hungariæ ;
Bohemiæ , Dalmatiæ , Croatiæ ,
Sclavoniæ , &c.

REGI,

Archi-Duci Austriæ , Duci Burgundiæ ,
Styriæ , Carinthiæ , Carniolæ , &
Würtembergæ , Comiti Habsburgi ,
Flandriæ , Tyrolis , Goritiæ & Gra-
disçæ , &c. &c.

**

ut lucubrationum, & industriæ suæ par-
tus ad CÆSARIS illius Solium adferrent,
quem VINDICEM, FAUTOREM, & IN-
STRAURATOREM suum omnes deprædicant.
Prævenerunt nos plurimæ, hoc tandem
in volumine minimè postrema sese sistit
Pharmaceutica rerum, quas vastissimus
naturæ sinus complectitur, propè omnium
coordinatio; iteranda non semel tentami-
na, & ad experimentorum trutinam re-
vocanda, non poterant non longiores
moras injicere; atque satiùs duximus,
immaturæ temeritatis, quam dilati obse-
quii notam effugere.

Dolebamus sanè miseram ægotantium
fortem, cui sæpenumerò plus molestiæ,
periculivè à medendi discrepantia, quàm
à morborum conflictu imminebat, dum
in parandis pharmacis Ars sibi contradi-
ceret, atque ideo saluberrima medentium
studia aut eluderet penitus, aut diutiùs
in ancipiti suspenderet. Diffidio modum
hoc opere statuimus, & dum disciplinam
in partes scissam, stabilem ad normam,
legemque revocamus, unà & medentium
curas tutiori in loco reponimus, & ægris
leva-

* * 2

leva-

levamen asserimus. Neque tamen est ,
quod hunc conatum nostrum , salutis pu-
blicæ dicatum , & labore , studio , ac ære
non modico paratum ab omni metu ab-
solutum putemus , nisi Sacratissimis MA-
JESTATIS VESTRÆ auspiciis protegatur.
Fuere , & erunt forsitan viri doctrinâ , &
arte præstantes , qui in contrariam à no-
bis sententiam abeant , Sed quis laceffere
audeat , quod ipsa in fronte AUGUSTO
NUMINE munitum viderit ? si verò DEO
Simillimos Principes efficit publica pro in-
columitate excubans providentia , artem ,
quâ non commodis , opibus , ac fortunis ,
sed salutis , ac vitæ hominum consulitur ,
à MAJESTATE VESTRA protectum iri , ne-
mo est , qui seu velit , seu possit ambigere.

Hæc igitur studia nostra , quæ pro com-
muni omnium salute publica esse volui-
mus , ad MAJESTATIS VESTRÆ Solium
procumbunt. *Ratio* , & *Experientia* , qui-
bus Duce & Magistrâ usi fuimus , CÆ-
SARI ORBIS SOSPITATORI volumen offe-
runt ; quod dum medelæ parandæ , atque
adeò valetudini vel stabiliendæ , vel re-
parandæ rationem continet , id unum
DEUM

DEUM Optimum Maximum precamur ,
ut MAJESTATEM VESTRAM , in qua vitam ,
salutem , & incolumitatem suam floren-
tissima regna , & mundi pars melior res-
piciunt , Artis nostræ subsidiis minimè in-
digam , nobis , & humani generis bono
quàm diutissimè Sospitem indulgeat

ITA VOVET

SACRATISSIMÆ MAJESTATI
VESTRÆ

Submississimum Collegium

PHARMACEUTICUM VIENNESE.

PRIVI.